

中縣臨安堂碑銘

學士呂頤正

分侯官范為林

憲書官王簿呂洪

國監生王為

吳

永樂大典卷之七千七百二

十九庚

京

北京

地理通釋北京大名府漢屬魏郡後周置魏州唐置天樞軍後唐建鄴都曰興唐府晉建鄴都曰唐晉府後漢曰大名府慶曆

二年升爲北京正殿曰琉璃宋史地理志慶曆二年建大名府爲北京宮城周三百九十八步即真宗駐蹕行宮宋會要仁宗慶曆二年五月詔曰相邑設都所以因地形之勝省方展義所以考民風之宜乃眷魏郊實當河麓廣萬盈之懿兆冠千里之上駛隱然北門壯我中夏洪惟聖考順駐琬與宮館並存威靈如在緬懷凝烈有述於孝思嘉慰後來敢忘於特邁載恢復制崇建別京懋昭善繼之猷仍與維新之澤大名府宜居焉北京先朝駐蹕行宮正殿以琉璃爲名其修葺行宮屋宇並給官錢毋得科率六月十七日以樞密副使右諫議大夫任中師爲修建北京使翰林學士尚書禮部郎中知制誥史館修撰蘇紳爲修建北京副使七月十二日以北京行宮門爲順豫八月十七日出內藏庫緡錢十萬修北京行宮

閏九月一日詔比建北京以備巡幸其供擬之物宜令有司辨置毋或擾民三年二月六日北京行宮便殿爲靖方七年六月二十一日置北京留守司御史臺神宗熙寧八年十二月九日賜內外城門名南河門曰景風南博門曰亨嘉朝城縣門曰安流朝城羅門曰吳齊冠氏門曰華景冠氏羅門曰春祺上水關曰喜利北河門曰安平北博門曰耀德魏縣門曰寶成魏縣羅門曰利和觀音門曰安正觀音羅門曰靜方下水關曰永濟左右四廟凡二十三坊永寧延福靖安惠安宜春敦信安仁善化七賢大安德教宜春崇化三市普寧廣利長樂景行景明鳳臺延康福善保安玉海崇寧四年七月丁巳京畿四面置輔郡以澶鄆許三州升襄邑爲拱州是爲四輔景祐元年三月升鄆州節鎮詔曰周制九畿蓋尊案內漢設二部實陪京師相宅浚都夾右榮園爰稽扶輿之義參領防遏之兵皇祐五年十二月壬戌以曹陳許鄆滑州爲輔郡隸畿內置京畿轉運使至和二年十月己丑詔京畿毋領輔郡范仲淹謂洛陽險固而汴爲四戰之地太平宜都汴卽有事必都洛陽可漸廣儲蓄繕治宮室宋強祠部某代王君貺尚書北京謝上表臣某言云云環封千里開府萬兵坐制此方括非其地班條云始負愧于中中謝載惟全魏之區遐控強胡之境洪河襟帶於其左朔

野咽喉之所衝。自罷郡以置都。常擇人而作。昇地望茲重。朝會愈艱。曾紆
兩府之印章。方付北門之管鑰。授之近侍。誠曰曲恩。伏念臣少也。短能。初
無遠業。先朝親試之。次勝。南冠首吟於甲科。臺省回翔。藩維偃息。犬馬之
年尚壯。鴻鴻之序徧揚。蒼鬚嚴塗。硯額空食。鄉領中山之一道。兼提支郡
之十城。元幸匪才。適丁無事。日常安枕。歲未更書。未瞻天日之清光。敢圖
省錄。又之消塵之素效。何所甄陞。就昇別京。弗公曩制。仍加冢宰之秩。以
示邦人之榮。此蓋伏遇皇帝陛下神造曲成。乾綱獨運。揅法宮之新治。念
仁廟之舊臣。特踰疊章。俾尸旬服。敢不刻求民瘼。蒐講武經。謹臆河防之
虞。豫嚴邊瑣之備。報償恩施。猶知今日之能。爲揭立功名。豈獨少平之所
慕。云云。又代魏公北京謝上表。獨當一道。尚容踰竭。於微才。兼拊連城。
寔恐難勝於重任。肇班寬詔。深愧厚恩。中謝。伏念臣風力不強。器能寔薄。
致身委識於枉道。接物唯存於至誠。朝廷非繁於重輕。特相輒更於出入。
且所臨皆劇。精神已耗於當年。而其得過多。疾病遂索於今日。方戢勦飛
之翼。少安舊集之林。甫爾涉春。遽然易地。大稱全魏之部。北控強胡之疆。
比雖水害之稍平。茲尚民流之未復。冀蘇疲俗。爰屬老臣。顧無患術以安
人。慮乏威聲之服膺。始懇辭而弗獲。訖冒處以爲慙。此蓋伏遇皇帝陛下。

政在圖新。任先求舊。持自清衷之所求。不惟縣力之弗堪。敢不蒐講武經。道宣利澤。殘軀黽勉。儻偶立於事功。齊肯丁寧。庶弗孤於器使。劉公是先。生集魏京詩。并序上二十年。始建北京。以章明先帝巡守之德。以達孝思。于下。于時野之處士。或相與議曰。蓋文王都豐。武王都鎬之間。不能數百里。文武之位。不過侯伯。而詩人乃以聖人之德。天子之事。歌之。有如聖朝。德位相侔。遂作相繼。而無通駿。烝哉之詩。此乃處士之罪。非公卿之過也。乃考聲謨辭。以繼大推。岳之無窮。其文曰。皇作大都。大都雄雉。奄定北國。四方來同。皇曰卿士。在昔聖考。祗適文武。維慈幼老。天監在上。既有明德。乃命于下。罔有不服。匪允命之。亦章變之。匪允服之。亦保育之。特維猷猷。侮予之疆。靡度靡虞。跳呼以狂。業業烝黎。載震載驚。侵魏又瀆。群心不寧。帝奮厥武。首萬其士。匪怒以棘。于三十里。如虎如貔。如霆如雷。靡有遠邇。天子其來。天子其止。士增其喜。孰偷其生。以不奮興。軀之渾渾。攘之責責。靡有輯張。穢厥鯨鯢。或獻其寶。或請其命。帝振于旅。維時既定。屹屹親土。山河之固。匪山河則固。維上帝伊怒。既闕爾弓。既索爾矛。攢執臣止。四方是休。皇曰卿士。聖考之德。允于孝思。孝思維則。爾朕示魏。以作我都。以赫厥靈。俾使勿踰。皇曰卿士。維帝特功。特亦維人。維冠萊公。爾慎爾止。爾

子于治期爾前人用迪爾事。皇曰卿士維常作武岳是萬年莫敢予侮。泰山之封。后士之禪。予監若茲。維天是眷。翼翼魏土。天子國之。穆穆原廟。聖人則之。孰爲強暴。敢不來覲。俾恒于威。于忠是訓。顯顯天子。孝德自躬。率是休烈。章之北戎。河水東注。昭哉禹績。特萬斯年。天子之德。金史地理志。

北京路府四領節鎮七。判部三。縣四十二鎮七。卷一。大定府中。北京留守司遼中京統和二十五年建爲中京國初因稱之海陵貞元元年更爲北京置留守司都轉運司警巡院在昭昭縣東北。縣五。縣十一鎮二。元史大都路唐幽州范陽府在平州東北。遼改燕京金遷都爲大興府元太祖十年克燕初爲燕京路總管大興府。大興七年置統緒世祖至元元年中書省臣言開平府闕庭所在加號上都燕京分立省部亦乞正名遂改中都其大興府仍舊四年始於中都之東北置金城而遷都焉京城右擁太行左挹滄海枕居庸冀朔方城方六十里十一門。正南曰麗正南之右曰順承南之左曰文明北之東曰安貞北之西曰健德正東曰崇仁東之右曰齊化東之左曰光熙正西曰和義西之右曰肅清西之左曰平則海子在皇城之北萬歲山之陰舊名積水潭聚西北諸泉之水流入都城而匯於此。注詳如海都人因名焉。志民

源採無禁投周之靈溫云事類全書中統五年八月日中書省奏聞平府
闕庭所在加號上都外燕京修營宮室分立省部四方會同乞亦正名事
準奏可稱中都路其府號大興布告中外咸使聞知到京須知凡朝京到
良鄉取京止六十里先詣燕賓館換衣亭換易水冠然後入觀元耶律楚
材湛然居士集過燕京和陳秀王韻回首親朋半土丘嗟予十稔浪西
遊半生兵革慵開眼一紙功名暗點頭下士笑予謀計拙至人知我謂心
憂再行不憚風沙惡鶴迹雲蹤任去留君恩猶未報山丘自笑遯方汗
漫遊客過玉關驚白髮夢遊金谷覓蒼頭冷官待罪予爲歎陋巷居貧君
不憂猶望道行澤四海敢辭沙漢久淹留孤死曾聞尚首丘悲予去國
十年遊崑崙碧峰日落處渤海西傾天盡頭君子云亡真我恨斯文將喪
是吾憂尚期晚節回天意隱忍龍庭且強留餘生不得樂林丘猶憶丁
年選勝遊幾杖殘編聊映眼一張袖被且蒙頭貔貅已報西門仗柱石猶
懷東顧憂自料荒疎成弃物菟裘歸計乞封留空驚滄海變陵丘白晝
分明夢裏遊除妄襖違重出襖求真頭上更安頭亨通富貴剛生喜苦惱
悲愁強作憂所斷葛藤閑使倆繫驢餓子不須留洪武元年立大梁爲
北京見南京詔下永樂元年正月十五日早

欽依北平立爲北京合設衙門官制。禮部與多官人議來除欽遵會同各部都察院通政司大理寺等衙門官議得合設北京留守行後軍都督府。北京行部并屬司及北平府改爲順天府官制。仍舊北京國子監北京所屬生員仍照舊制赴京致試。上等送國監中等送北京國子監讀書。北京行太僕寺并知印吏典名數及行移定式。本年二月初三日本部官同各衙門官具本覆奏。

欽該部准議除北京留守行後軍都督府合設正官左右都督及都督同知都督僉事行移兵部銓除及銷除北平布政司北平按察司北平都司經歷司官制并附屬今設衙門官制行移禮部拘銷鑄換印信外前項衙門除順天府官負品級照舊外其餘衙門官負俱照在京官負品級及照在京刑部戶部所屬北平清吏司都察院所屬北平道俱合改爲北京清吏司北京道。再照北京既照在京設置北京留守行後軍都督府北京行部監寺所據各衙門官吏知印致滿俱各照依在京官吏知印致滿事例一體致襄黜陟及照資格出身衙門官制。

北京留守行後軍都督府經歷司首領官經歷一員都事二員吏提控二員錄吏六員典史二十四名吏禮房各二名戶兵刑房各四名工房

三名承發二名勘合科二名架閣庫一名知印一名

北京行部 正官尚書二員侍郎四員屬官吏曹清吏司郎中一員員外郎一員主事一員都吏一名令史一名典史二名戶曹清吏司郎中一員員外郎一員主事一員都吏一名令史五名典史十名禮曹清吏司郎中一員員外郎一員主事一員都吏一名令史一名典史二名兵曹清吏司郎中一員員外郎一員主事一員都吏一名令史三名典史六名刑曹清吏司郎中一員員外郎一員主事一員都吏二名令史六名典史十八名工曹清吏司郎中一員員外郎一員主事一員都吏一名令史二名典史四名照磨所照磨一員檢校一員司吏一名典史四名司獄司司獄一員獄典二名勘合科典史二名架閣庫吏一名知印一名 北平府改順天府官制品級依舊并大字北平行太僕寺改

北京行太僕寺官制品級依舊

北京國子監祭酒一員司業一員監丞一員典簿一員屬官博士一員助教二員學正一員學錄一員掌饌一員

上京

羅泌路史夏后氏紀命豎亥步經大章行緯暢于八極方以爲國十國而有長長有師五長而一師師五十國州十有二師州有

牧牧有師于上京遼史上京臨潢府東漢遼東郡西安平之地新莽曰北
安平太祖取天梯別魯等三山之勢于葦甸射金猊箭以識之謂之龍眉
宮神冊三年城之名曰皇都天顯十三年更名上京府曰臨潢涿流河自
西北南流遼京三面東入于曲江其北東流爲按出河又有枯河沙河黑
河潢河鴨子河他魯河狼河蒼耳河輞子河臚胸河陰涼河豬河鴛鴦湖
興國惠民湖廣濟湖鹽澤百狗澤大神淀馬孟山鬼兒山野鶻山監山鑒
山松山平地松林大斧山列山屈劣山勒得山唐所封大賀氏勒得王有
有寨存馬戶三萬六千五百轄軍府州城二十五統縣十上京太祖創業
之地負山抱海天險之以爲固地沃宜耕植水草便畜牧金猊一箭二百
年之基壯矣天顯元年平渤海歸乃展郭郭建宮室名曰天贊起三大殿
曰開皇安德五鑾中有歷代帝王御容每月朔望節辰忌日在京文武百
官並赴致敬又於內城東南隅建天樞寺奉安烈考宣簡皇帝遺像是歲
太祖崩應天皇后於義節寺斷腕寘太祖陵即寺建斷腕樓樹碑焉太宗
援立晉遣宰相馮道劉煦等持節具茵薄法服至此冊上太宗及應天皇
后尊號太宗詔蕃部並依漢制御開皇敕開承天門受禮因改皇都爲上
京城高二丈不設敵樓幅員二十七里門在東曰迎春曰鴈兒南曰順歸

西曰金鳳曰西鳳兒曰南福其北謂之皇城高三丈有樓櫓門東曰安東
 南曰大順西曰乾德北曰拱辰中有大內內南門曰承天有樓閣東門曰
 東華西曰西華北通內出入之所正南街東留守司衙次監鐵司次南門
 龍寺街南曰臨潢府其側臨潢縣西南崇孝寺承天皇后建寺西長泰
 縣又西天長觀西南國子監監北孔子廟廟東節義寺又西北安國寺太
 宗所建寺東齊天皇后故宅宅東有元妃宅即法天皇后所建也其南其
 聖尼寺綾錦院內省司麴院瞻國省司二倉皆在大內西南八作司與天
 雄寺對南城謂之漢城南當橫街各有樓對峙下列井四東門之北路縣
 又東南興仁縣南門之東回鶻營回鶻商販留居上京置營居之西南同
 文驛諸國信使居之驛西南臨潢驛以待夏國使使驛西福先寺寺西宣
 化縣西南定霸縣縣西保和縣西門之北易俗縣縣東遼遼縣周廣順中
 胡嶠記曰上京西樓有邑至市四交易無錢而用布有綾錦諸工匠者翰
 林伎術教坊角觝儒僧尼道士中國人并汾幽薊為多家大中祥符九年
 薛映記曰上京者中京正北八十里至松山館七十里至崇信九十里至
 廣寧館五十里至姚家寨館五十里至咸寧館三十里度潢水石橋旁有
 饒州唐於契丹嘗置饒樂今渤海人居之五十里春和館度黑水河七十

里宣化館五十里長泰館距西二十里有佛舍民居即祖州又四十里至臨潢府自過崇信館乃契丹舊境其南奚地也入西門門曰金德內有臨潢館于城東門曰順歸北行至景福門又至承天門內有昭德宣政二殿與德廬皆東向臨潢西北二百餘里號涼淀在饒頭山南避暑之處多豐草抵地文餘即有堅永祖州天成軍上節度東遼右八部世沒里地太祖秋獵多於北始置西樓後因建城號祖州以高祖照烈皇帝曾祖莊敬皇帝祖考簡獻皇帝皇考宣簡皇帝所生之地故名城高二丈無敵棚幅負九里門東曰望京南曰大夏西曰波山北曰興國西北隅有內城殿曰兩明奉安祖考御容曰二儀以白金鑄太祖像曰黑龍曰清秘各有太祖微特其戈器物及服御皮毳之款存之以示後嗣使勿忘本內南門曰興聖九之門上有接閣東西有甬樓東爲州解及諸官解舍綾錦院班祗候蕃漢渤海三百人供給內府取索東南橫街四隅有樓對峙下連市四東長霸縣西威寧縣有祖山山有太祖天皇帝廟御靴尚存又有龍門黎谷液山液泉白馬獨名天梯之山水則南沙河西液泉太祖陵鑿山爲殿曰明殿殿南嶺有膳堂以備特祭門曰黑龍東偏有聖蹤殿立碑述太祖遊獵之事殿東有樓立碑以紀太祖創業之功皆在州西五里兵衛志太祖建

皇都于臨潢府太宗定晉晉生石敬瑭來獻十六城乃定四京改皇都爲上京有丁一十六萬七十二百金史地理志太祖武元皇帝天輔六年春建上京曰會寧府爲上京其遼之上京改作北京先是女真之初無城郭止呼曰皇帝寨國相寨太子莊主是改爲置三省六部尹貳曹屬仍令左丞相陳王兀室撰女真字以行金之壤地封疆東極吉里迷元的改諸野人之境北自蒲與路之北三千餘里火魯火噶謀克地爲遼右旋入泰州婆盧火所沒界壕而西經臨潢金山跨慶極撫昌淨州之北出天山外包東勝接西夏逾黃河復西歷葭州及米脂寨出臨洮府會州積石之外與生毛地相錯復自積石諸山之南左折而東逾洮州越藍川堡循渭至大散關北並山入京北終商州南以唐鄠西南皆四十里取淮之中流爲界而與宋爲表裏襲遼制建五京置十四總管府是爲十九路其間散府九節鎮三十六防禦部二十二刺史部七十三軍十有六縣六百三十二後復盡升軍爲州或升城堡寨鎮爲縣是以金之京府州凡百七十九縣加於舊五十一城寨堡關百二十二鎮四百八十八雜真祐興定危亡之所廢置既歸大元或有因之者故凡可考必盡著之其所不載則闕之上京路即海古之地金之舊土也國言金曰按出虎以按出虎水源於北故

名金源建國之號蓋取諸此國初稱為內地天眷元年號上京海陵貞祐二年遷都于燕削上京之號止稱會寧府稱為國中者以違制論大定十三年七月復為上京其山有長白青嶺馬紀嶺完都魯水有按出虎水混同江奉流河宋瓦江鴨子河有一領節鎮四防禦一縣六鎮一舊有會平州天會二年築堤丹城池後廢其宮室有乾元殿天會三年建天眷元年更名皇極殿慶元宮天會十三年建殿曰辰昏門曰暉天眷元年安太祖以下御容為原廟 朝殿天眷元年建殿曰敦德門曰延光 廢殿曰宵衣書殿曰稽古又有明德宮明德殿熙宗嘗幸太宗御容於此太后所居也 涼殿皇統二年構門曰延福 樓曰五雲 殿曰重明東廡南殿曰東華 火曰廣仁西廡南殿曰西清次曰明義重明後東殿曰龍壽西殿曰奎文時全殿及其門曰奉元有泰和殿有武德殿不董風殿 其行宮有大開殿又刺水之地也有混同江行宮 太廟杜撰皇統三年建正隆二年修原廟天眷元年以春亭名天元殿安太祖太宗徽宗及諸后御容春亭者太祖所嘗御之所也天眷二年作原廟皇統七年改原廟乾大殿曰世德正隆二年毀大定五年復建太祖廟 興聖宮德宗所居也天德元年召之興德宮後更名永祚宮齊宗所居也元興宮世宗所居也正隆二年命

吏部郎中蕭孝廉盡數宮殿宗廟諸大族卿第及儲慶寺。更其趾耕墾之。
大定二十一年復修宮殿。建城隍廟二十三年以兌東其城有皇武殿。擊
建校射之所也。有雲錦亭。有臨瀾亭。為龍鷹之所在。按出虎水則會寧府
下初為會寧州。太宗以建都升為府。天眷元年置上京留守司。以留守帶
本府尹。募本路兵馬都總管。後置上京曷懶等路提刑司。戶三萬一千二
百七十舊歲貢黍王魚。大定十二年罷之。又貢猪二萬二千五百罷之。東
至朔里。改六百三十里。西至肇州五百五十里。北至蒲與路七百里。東南
至恆品路一千六百里。至曷懶路一千八百里。縣三會寧。倚與有同。時置
有長白山青嶺馬紀儀和野渡綠野渡。有接出虎河人言作阿木海。有混
同江。東流河有勝陀國。言忽上。雖為蠻太祖嘗師之地也。曲江初名鎮東。
大定七年置。十三年更名。宜春。大定七年置。鴨子河北。盟錄女真世居混
同江之東。長白山鴨綠水之原名曰何木火。又曰阿芝川。凍流河。阿骨打
建號。改曰皇帝寨。至寬。改曰會寧府。上京。元史上都路唐為奚契丹地。金
平契丹置恆州。元初為札剌兒部兀魯郡王營幕地。憲宗五年命世祖居
其地。為巨鎮。明年世祖命劉秉忠相宅於恆州東。凍水北之龍岡。中統元
年為開平府。五年以開庭所在。加號上都。歲一幸焉。至元二年置留守司。

五年升上都路總管府折津志 刺幹耳朶者即世祖皇帝之行在也每
聖上巡幸上都省蓋亦以行國賦民力其聖慮周知非實以消暑爲事也
此故老相傳獨異乎今時所聞蓋過此口漢兒山有界限名艱艱山萬里
如砥元鄭彥昭樗庵類纂上京行幸詞 群山如畫列層城佳氣滌陽此
上京四野穹廬環魏闕三宮仗馬擁霓旌 明德城南萬騎過御天門下
百官多謫韶九奏風雲會嵩岳三呼景象和 宮草蔥茸拂檻青苑中塵
鹿自和鳴雲邊仙子銚環珮日暮君王幸穆清 宮樹行行密覆牆雨餘
沙淨碧雲涼錦衣花帽金鞍馬絛仗紅旗夾道光 紅雲靄靄護棕毛紫
鳳翩翩下綵條武士承宣呈角觥近臣侍宴賜珠袍 近西穹帳是青宮
瑞靄祥雲曉日紅寶扇初開類似玉金輿方駕氣如龍虞集道園學古錄
泰定甲子上京有感次韻馬伯庸待制 翰音迎日戟儀羽集雲路寂寞
就書閣老大長郎署爲山望成岑織錦待盈度我行起視夜星漢非故處
題黃晉卿上京道中紀行詩後 少陵入蜀路岷嶠故有淒涼五字詩
供奉翰林隨草筆惟應同調不同辭 送袁伯長扈從上京 日色蒼涼
暎赭袍時巡母乃聖躬旁天連閣道晨留輦星散周廬夜屬藥白馬錦韉
來窈窕紫駝銀甕出蒲萄從官車騎多如雨祗有楊椎賦最高吳禮部集

次韻張仲舉助教上京即事 海波填碧湧金菴當日經營得俊髦周鼎
卜年開帝業漢都作鎮應神臯宮中雙鳳朝扶輦帳下千牛夜捉刀萬國
會同時肄覲衆星遙共北辰高 大駕時巡鎮北庭皇風萬里暢威靈有
年太史仍書兩卜日祠宮已祭呈白草黃雲秋漫漫未獲翠樹稅冥南
歸却作灤陽夢應是平生舊所經 翼翼行都歲幸臨名王諸部集如林
隨車滿載彤庭帟寶馬高駘內府金蕃散歌呼潔水上夜騰光氣黑山陰
世皇謨畧真宏遠共感湛恩到骨深 虎賁猛士羽林兵綠統宮垣帶雉
城上冷水泉長凍天低星斗倍光精穹廬屈脫雲彌野馬潼醜酬雪到
麟卷北巷南歌吹雜祗應儒館自書聲 聖主恭勤服漸衣頻年羽獵罷
連圍金華勸講延髦士紫殿親祠却密妃調鼎有功神化密扣閣無事陳
書稀高秋八月時巡畢還與都人候六飛 孔鸞欲翅久盤迴延閣旁崇
際復開四海宣文十載仰兩生接武一時來袖書共啓緘金匱持筆行登
視草堂努力深期報知己明時肯負出群才 陰山分脉自崑崙朔漠縣
延迤北門遙見馬駝知牧地時逢水草似漁村穹廬軟勒秋風曲青塚輝
煇夜月蒐今日八荒同一宇向來遺徵不須論 兩都賦意入經營今日
奇封有此行弟子絃歌臨壁水諸公篇翰出承明眼中高閣祥雲色暮裏